



**Broj: 14-01-05-131/12**  
**Sarajevo, 15.05.2012. godine**

**Bosna i Hercegovina**  
**Federacija Bosne i Hercegovine**  
**SKUPŠTINA KANTONA SARAJEVO**  
**S A R A J E V O**  
**n/r, Predsjedavajuće, Prof.dr. Mirjane Malić**

**Predmet: Odgovor na poslaničko inicijativu broj: 01-05-11772/12 od 23.04.2012. godine**  
**podnesenu od strane poslanika Faruka Efendića - dostavlja se**

Na Četrnaestoj Radnoj sjednici Skupštine Kantona Sarajevo, održanoj dana, 23.04.2012. godine, poslanik Faruk Efendić u okviru tačke dnevnog reda "Poslanička pitanja, inicijative i odgovori" informisao je da je prekidom radova na objektu Vranica dd Sarajevo u ul. Krivajska broj 1. lokalitet do hotela Palas, MZ Pofalići I nastupio problem akumulacije većih količina podzemnih i oborinskih voda u samom centru objekta, sa dubinom od oko 5 metara ispod nivoa postojeće konfiguracije terena, tako da je stvoreno veće vještačko jezero stajace vode. Činjenica je da se u tu akumulaciju miješaju i fekalne vode, te postoji realna opasnost od moguće zaraze za stanare koji stanuju u neposrednoj blizini navedene lokacije i šire. Poslanik, napominje da se lokalitet gradilišta nalazi uz samu saobraćajnicu, odnosno trotoar, koji đaci, djeca svakodnevno koriste kako bi bezbjedno stigli do osnovne škole koja je na udaljenosti od samog gradilišta nekoliko stotina metara. U cilju rješavanja navedene problematike, građani sa ovog područja u trećem mjesecu 2011. godine uputili su zahtjev nadležnoj općinskoj službi za inspekcijske poslove, ali zbog nenadležnosti iz ove oblasti isti je proslijeđen Kantonлноj upravi za inspekcijske poslove od koje se čeka povratna informacija o poduzetim aktivnostima.

U kontaktima sa odgovornim iz GP "Vranica" dd Sarajevo, prekid radova i stanje na novozapočetom objektu pravdaju čekanjem na izdavanje građevinske dozvole od strane općine, a da sam iznos za naknadu rente koji je jedan od uvjeta, za njeno izdavanje za sada nisu u mogućnosti platiti. Ovakvim odnosom samog investitora stanje na objektu ostaje isto, odnosno za građane tog područja alarmantn, naglašava poslanik i pokreće poslaničku inicijativu:

„ Da nadležna služba za inspekcijske poslove Kantona Sarajevo u skladu sa svojim nadležnostima i ovlaštenjima poduzme zakonom propisane mjere i radnje kako bi se riješio ovaj već odavno prisutni gorući problem.“



## ODGOVOR :

Kantonalna uprava za inspekcijske poslove Kantona Sarajevo, poslaničku inicijativu sa istim predmetom obraćanja od poslanika Faruka Efendića, zaprimila je 11.10. 2011. godine. Postupajući po istoj dana 24.10. 2011. godine, dat je odgovor o poduzetim mjerama od strane sanitarne inspekcije koja organizacijski djeluje unutar ovog organa.

Radi podsjećanja želimo istaći da je sanitarna inspekcija dana 27.07.2011. godine zaprimila od Općine Novo Sarajevo, predmet: Inicijativa građana-stanara zgrade u ulici Humaka br. 20. u Sarajevu. Dana 01.08.2011. godine, sanitarni inspektor je izvršio inspekcijski nadzor na licu mjesta i u cilju otklanjanja nedostataka, donio Rješenje broj: 14-10/03-37-9267/11 od 26.08.2011. godine , kojim je naređeno investitoru „Vranica“dd Sarajevo, da poduzme preventivne aktivnosti u cilju zaštite ljudi od zaraznih bolesti, izvođenje asanacionih radova i to na način da trajno i kvalitetno ukloni opasnost od zaraznih bolesti i druge neugodnosti koje prouzrokuje akumulacija vode na navedenom objektu. Rješenje je uručeno „Vranici“dd Sarajevo, dana 29.08.2011. godine, sa rokom izvršenja 60 dana.

Dana 31.10.2011. godine, izvršena je kontrola izvršenja Rješenja , i tom prilikom je konstatovano da je :

- voda iz akumulacije iscrpljena
- posjed očišćen
- izvršena dezinfekcija, dezinsekcija i deratizacija od ovlaštene firme“Sanitacija“ doo Sarajevo
- obezbjeđen nadzor nad građevinom i nivoom vode u započetoj građevini,te redovno pražnjenje i čišćenje akumulacione vode.

Direktor „Vranice“dd Sarajevo, je obavijestio inspekciju da su daljni radovi na navedenom objektu nemogući, dok Općina Novo Sarajevo , ne izda odobrenje za građenje.

O poduzetim radnjama obavještena je i Općina Novo Sarajevo, Služba za inspekcijske poslove, aktom broj: 14-10/03-37-9267/11 od 01.12.2011. godine.

Prema zvaničnim informacijama, dobivenim službenim putem od strane općinske urbanističko-građevinske inspekcije Općine Novo Sarajevo, nadležna općinska služba je aktom broj: 04-23-1405/09 od 15.03.2011. godine, odbila zahtjev za izdavanje odobrenja za građenje, iz razloga što investitor nije izmirio naknadu za pogodnosti dodjeljenog gradskog građevinskog zemljišta (renta). Navedeno gradilište je zatvoreno i na istom se ne obavljaju radovi.

Po prijemu nove inicijative, sanitarni inspektor je ponovo izvršio inspekcijski nadzor na navedeno lokaciji, i konstovao da je ponovo došlo do akumulacije vode, odnosno konstatovao da su navodi istaknuti u dostavljenoj Inicijativi tačni, nakon čega je djelovao Rješenjem o otklanjanju nedostataku, prema investitoru „Vranica“dd Sarajevo, **u stečaju.**



Na kraju želimo istaći da je rješenje navedenog problema postupanjem inspektora privremeno, odnosno svakim novim padavinama ponovno dolazi do akumuliranja vode u građevinskim jamama, te da je jedino i trajno rješenje dovođenja predmetne lokacije krajnjoj namjeri.



**DOSTAVITI:**

1. Naslovu
2. Sekretaru Skupštine Kantona Sarajevo
3. Sekretaru Vlade Kantona Sarajevo
4. Evidenciji
5. Arhiva



---

web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br.1



web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br.1



web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br.1